

## El boète ed Noë



### 1ère partie

Juliette, éne jone file ed dis ans, n'sait pon quo faire el vèpe dé ch'preume ed déchimbe. S'mère ale li dminde in keup d'main à ch'forni (cuisine) mais Juliette ale fait comme si ale n'avot rin intindu. Sin père i l'appelle din ch'garache et pi, là cor, Juliette ale est assis su ses orèles (elle fait la sourde oreille). Elle a ker miu (préfère) faire des capouris (pirouettes) din l'plache d'edvant (le salon) tout in ravisant des cacoules à l'télé.

D'in keup, Juliette ale intind in drôle ed bruit din l'rue. Ale va vir par l'farniète quo qui s'passe : i o in honne avec éne blanke berbe qui i o éne drôle ed boète din ses mains.

Juliette ale crie ses parints « Maman, papa, vnez vir, ch'est ch'Père-Noë ! » Mais persone i vient vir.

Adon (alors), ale monte din s'cambe et pi ale va s'jouker.

Ch'lindmain, ale s'dégroule (dépêche) ed mingier, tout cha pou faire l'maguette (faire la curieuse).

Juliette ale va vers l'boète et pi ale la ravise dans tous chés sins (tous les sens).

« Vinguette ! Quo qu'ch'est cha ? In dirot éne boète aux lettres ? Oh, i o quétcosse ed marqué « Lutin, lutine, appoiez su ch'rouche bouton. »

Juliette ale appuie su ch'rouche bouton et éne lette in sort. In molé craitife, ale l'ouvre et pi ale lit :

*« Bonjour Juliette. J'ai besoin que tu m'aides. Madame Duquesne, au 25 rue de Béthune, adore les craquendoules ; les gâteaux qu'on fait par chez toi dans le nord en décembre.*

*Merci de lui en apporter demain après l'école.*

*Merci pour ta participation.*

*Signé : Le Père-Noël. »*

Juliette ale n'savot pon si ch'étoit sérieux ch'ju-là mais comme i avot sin nom su l'lette, ale s'disot pourquo pas.

Juliette ale dminda à s'meilleure chochone, Marion, ed venir vir Madame Duquesne insonne. Madame Duquesne ale n'étoit pon surprins ed les vir à s'mason. Insonne, ales ont archiné et ch'étoit un momint fort agréabe.

Avant d'arpartir, Madame Duquesne ale prend éne tiote feule et pi ale écrit : « biscuits : 2 su 2, gintiliesse 2 su 2, ... ; ch'est ch'Père Noë qui va ête bénache. »

In intindant cha, Juliette ale dit :

« -Kmint cha ch'Père-Noë ?

-Bin si, Ch'est ch'Père-Noë qui t'invoe. Mi ej sus seu (seule) et sin amie ; té m'as donné in peu d'plaisi. T'as réussi t' mission et té n' auras d'outes , cha ch'est sûr ! Boène canche à ti Juliette. »

